



DIARIO

E MATUTINO DI ARUBA

DIABIERN 8 FEBRUARI 1991

ABONADO PA LUNA 19,00 FLS**PA EJEMPLAR 0,80 AÑA10/NO.3256

FREGATA VENEZOLANO A ACTUA CONTRA BOTONAN DI PISCA DEN AWA TERRITORIAL DI ARUBA

AWE DIRECTOR DI GABINETE TA YEGA E LUNA AKI GOBERNADOR TA REGRESA ARUBA

ADIRA HALLEY REINA DI CARNAVAL 1991



Ayera noch Aruba a sera conoci cu su Reina di Carnaval No.37, den persona di Adira Halley, representando Coastal. Promer finalista tabata srta. Sandra Croes, representando distrito di Sta. Cruz. Ministro Presidente, sr. Nelson Oduber tabata tin e honor di por a corona Adira primera.

Candela na Harbourtown



ORANJESTAD(AAN) -- Bombero mester a acudi na Harbour Town caminda un bulto di carton y otro material a pega candela.

Tabata den horanan di mainta, ora cu bombero a worde notifica di e candela. Ta asina cu e trahadorman, haciendo uso di slang di awa, a trata di domina e

candela pero envano.

E candela a cuminsa expande y bomberonan mester a actua pa evita lo peor. E parti cu e candela a origina tabata e seccion di e edificio cu mester keda cla a corto plazo. E seccion aki mester worde entrega pa Diabierna ya cu tin un grupo di turista cu lo ocupa esaki.

Loke a kima mas bien tabata e cahanan for di cual articulonan tabata worde saca pa modela e seccion. Aparentemente un sigaria cendi lo a cay den e bulto aki y a causa e candela.

Debi na e hecho cu e bulto tabata hopi cerca di e edificio, un payloader a hala esaki pa evita cu e candela por expande.

